

ՀՀ ԲՆԱԿԱՎՈՒԹՅԱՆ ԶԱՐԳԱՑՄԱՆ ՕՐԻՆԱԿԱՓՈԹՅՈՒՆՆԵՐԸ ԱՐԴԻ ՓՈԽՈՒՄ

Վ. Ե. ԽՈՋԱՐՈՅԻՑԱՆ

ՀՀ ԴԱԱ ակադեմիկոս

Ծրկար ժամանակ Հայաստանը բնովթագրվել է բնակչության բավական բարձր բնական աճով, շնայած նրա քաղաքային բնակչությանը հատուկ է եղել վերարտադրության կարգավորված արդի տիպը: 1980—1990 թթ. բնակչության բնական աճը տատանվում էր 18—19, ծնունդը՝ 24—25, իսկ մահացությունը՝ 5—7 պրոմիլի սահմաններում: 1970—1980-ականներին Հայաստանը բնութագրվում էր աշխարհում ամենացածր մահացությամբ: Բնակչության բարձր ծնունդը, ցածր մահացությունը մինչև 1970-ականի վերջերը ուղեկցվել է միգրացիայի դրական, իսկ 1979—1988 թթ.՝ բացասական միացորդով: ԽՍՀՄ-ում հանրապետությունների համեմատությամբ ցածր էր մահկամահացությունը (1000 ծնված երեխաներից մինչև մեկ տարեկան դառնալը 1989—1990 թթ. մահացել են 22,6, իսկ 1994 թ.՝ 18 երեխա) և բարձր էր կյանքի միջին տևողությունը, որը 1988 թ. Սպիտակի երկրաշարժի հետևանքով քգալիորեն իջավ:

Սակայն, վերջին տասնամյակում, մասնավորապես, 1988 թ. սկսած, հանրապետությունում ժողովրդագրության ասպարեգում տեղ գտած իրադարձությունները իրենց որոշակի հետքն են թողել և կշարունակեն թողնել բնակչության բնական աճի օրինաչափություններին և ապագա միտումների դրսևորման, դրա տեղաբաշխման, առանձնապես միգրացիոն հոսքերի խտենսիվացման վրա: Բնական աղետ տեսած, պատերազմական զրված և չզրված օրենքներից կքված փոքրիկ հանրապետությունն այսօր փատտորեն կանգնել է մեկ այլ աղետի դեմ հանդիման, աղետ, որը սպառնում է ազգի գենոֆոնդի զոյատեմանը: Գնալով նվազում է հանրապետության բնակչության բնական աճի թափը, պակասում ծնունդը, ավելանում մահացությունը, արտագաղթն ընդունել է ահագնացող չափեր: Անշուշտ, դա կարելի է համարել նաև այսօրվա սոցիալ-տնտեսական և աշխարհաքաղաքական խրափեճակի անմիջական անդրադարձը: Բայց արդյո՞ք միայն այդ:

Ընդհանուր առմամբ բնակչության զարգացման օրինաչափությունները ձևավորվում են բուն ժողովրդագրական գործընթացների՝ պատմականորեն հանդես եկող և տվյալ պահին որպես ավտոնոմ գործող ինքնուրույն երեվույթների և հասարակության սոցիալ-տնտեսական պայմանների ազդեցության ներքո: Հանգամանորեն ֆննարկենք վերջին 10—15 տարիներին բնակչության վերարտադրությունը բնութագրող օրինաչափությունների բնույթը և առանձին գործոնների դերի ազդեցությունը բնակչության աճի ընթացքի վրա: Բնակչության բնական աճը երկրում ծնվածների և մահացածների թվաքանակի տարբերության արտահայտությունն է: Այս բոլորի մասին ամբողջական պատկերացում է տալիս ներքոհիշյալ աղյուսակը:

Ինչպես նկատում ենք, ըստ պաշտոնական վիճակագրության տվյալների, ձևադաբերության ընդհանուր գործակիցը (1000 բնակչի հաշվով ծնվողների թիվը) 1985 թ. 25,0 պրոմիլից իջել է, 1994 թ. կազմել է 13,7, իսկ մահացությունը (1000 բնակչի հաշվով մահացածների թիվը) 6,1 պրոմիլից բարձրացել է և կազմել 6,6 պրոմիլ: Երևույթների նման ընթացքը պայմանավորված է հանրապետությունում միաժամանակ գործող օբյեկտիվ և սուբյեկտիվ բնույթի մի շարք գործոնների դրսևորմամբ: Մենդաբերության և մահացության վրա ազդող այդ գործոնները կարելի է ներկայացնել հետևյալ խմբավորմամբ. պատերազմներ և շրջափակումներ, բնակչության տա-

րիքային կադմ, երկրաշարժ, սոցիալ-տնտեսական պայմաններ, բացառական միջրաջիա և այլն: Ի՞նչ ազդեցություն են գործել այդ երևույթները բնակչության ծննդաբերության և մահացություն վրա քննարկվող ժամանակահատվածում:

Աղյուսակ 1

ՀՀ բնակչության բնական աճի գոյացությունները 1980—1994 թթ.1

	Թվականները					
	1980	1985	1990	1992	1993	1994
1. Բնական աճը	17,4	18,9	17,4	12,2	8,4	7,1
այդ թվում՝						
քաղաքային բնակավայրերում	16,6	17,2	15,5	10,5	6,6	5,2
գյուղական բնակավայրերում	19,0	20,6	19,6	15,7	12,3	10,9
2. Մահերը	23,0	25,0	24,0	19,2	15,8	13,7
այդ թվում՝						
քաղաքային բնակավայրերում	21,8	22,8	22,0	17,4	13,9	11,8
գյուղական բնակավայրերում	25,3	27,3	26,5	22,9	10,8	17,4
3. Մահ	5,6	6,1	6,6	7,0	7,4	6,6
այդ թվում՝						
քաղաքային բնակավայրերում	5,2	5,6	6,5	6,9	7,3	6,6
գյուղական բնակավայրերում	6,3	6,7	6,9	7,2	7,5	6,8

Քննարկվող ժամանակաշրջանում ծննդի մակարդակի վրա հետք են թողել բնակչության տարիքային կազմում տեղի ունեցող տեղաշարժերը: Մինչև օրս կրում ենք և մոտ ապագայում նույնպես կկրենք երկրորդ համաշխարհային հետևանքները՝ եթե ցանկացած պատերազմի հետևանքով տնտեսության կորուստները հնարավոր է վերականգնել մի քանի տարում, ապա ժողովրդագրական հետևանքները պարբերաբար կրկնվում են և խրենց ազդեցությունն են ունենում բնակչության բնական աճի վրա:

Հետպատերազմյան տարիներից սկսած, առ այսօր, Հայաստանում տեղի է ունեցել ժողովրդագրական բռնկում՝ երեք փուլերով: Առաջին փուլն ընդգրկեց հետպատերազմյան շրջանը և ավարտվեց 1950-ական թվականների սկզբներին: Դա բացատրվում էր պատերազմի ավարտով և զորացրումով, որը հանգեցրեց ամուսնացողների թվի ավելացմանը, շատ ընտանիքներում յախտված վերարտադրության ընթացքի նորմալացմանը: Երկրորդ փուլն սկսվեց 1950-ական թվականների կեսերից և տևեց մեկ տասնամյակ: Երրորդը սկսվեց 1970-ի երկրորդ կեսից և տևեց մինչև 1980-ի կեսերը: 1960 թ. և 1986 թ. Հայաստանում գրանցվեց շատ բարձր ծնունդ, համապատասխանաբար՝ 74,8 և 81,2 հազար երեխա²: Դա Հայաստանի ներկա տարածքում նրա պատմության մեջ ներքինից գրանցված ամենաբարձր ծնունդն էր:

Դրա հետ մեկտեղ՝ երկրորդ համաշխարհայինը բնակչության վերարտադրության վրա փոքր քանակական ազդեցությունն ունեցավ ոչ միայն պա-

1 Աղյուսակը կազմված է ըստ «Демографический ежегодник 1991» վիճակագրական ժողովածուի (Մ., 1991, с. 62) և Հայաստանի վիճակագրական տարեգրքի, 1993—1994 (Երևան, 1995, էջ 15):

2 Население СССР 1987, М., 1988, с. 124.

տեղաշարժի տարիներին, առի՛ն 1960-ական թվականների կեսերից մինչև 1970-ականի կեսերը և 1980-ականի վերջերից մինչև 1990-ականի կեսերը, երբ, մի դեպքում, սովետական տարիք թևակոխեցին պատերազմի տարիներին ծնվածները, իսկ մյուս դեպքում՝ դրանց երեխաները, Հենց այդ պատճառով 1970 թ. Հայաստանում 20 հազարով ավելի քիչ երեխաներ ծնվեցին, քան 1960 թ., մինչդեռ բնակչությունն ավելացել էր 661 հազար մարդով³, Բավական է ասել, որ ՀԽՍՀ-ում 1970 թ. ամուսնության ամենաակտիվ տարիքի բնակչությունը (21—29 տարեկաններ) 1959 թ. նկատմամբ պակասել էր շուրջ 17 %-ով, այդ թվում դյուղական բնակավայրերում՝ կիսով չափ, ըստ որում, 25—29 տարեկաններն այդ ընթացքում պակասել էին 50 %-ով⁴։ Վերջին ցուցանիշով ՀԽՍՀ-ն երկրորդ հանրապետությունն էր և զիջում էր միայն ՌՍՖՍՀ-ին։ Բնակչության 1000 շնչի հաշվով ամուսնությունների թիվը 1960 թ. 11,2 մարդուց 1970 թ. իջել և կազմել էր 7,3 մարդ⁵։

Տասնամյակներ առաջ մեր կատարած՝ կանխատեսումներով ենթադրվում էր, որ 1987 թ. սկսած ծննդի կորագիծը պետք է թեթևի, և մինչև 1990-ականի կեսերը նվազի։ Նման ենթադրությունը հիմնավորվում էր նրանով, որ այս տարիներին պտղաբերության տարիք կթևակոխեն պատերազմի տարիներին ծնվածների երեխաները։ Նվ փոքր, 1987 թ. Հայաստանում ծնվեց 78 հազար, իսկ 1988-ին՝ 74 հազար 700 երեխա։ Մինչդեռ, ինչպես հիշատակվեց, 1986 թ. Հայաստանում բացարձակ ծնունդը հասավ կորագծի ամենաբարձր կետին։ Պատմություն մեջ առաջին անգամ Հայաստանի ներկա տարածքում զրանցվեց ծնվողների ամենաբարձր թիվը՝ 81 հազար 192 երեխա, որը, ցավոք, հավանաբար, ալբա լի կրկնվի ապագա քաղաքացիական պատերազմի ընթացքում։

Ինչպես նկատում ենք, 1986 թ. համեմատ 1987 թ. ծնված երեխաների թիվը պակասեց 2,7 հազարով, 1988 թ.՝ 6,5 հազարով⁶, 1986 թ. ծնված երեխաների բացարձակ թիվը և ծնելիություն բարձր գործակիցները պայմանավորված էին նրանով, որ պտղաբերության տարիքի կանանց (համաշխարհային միջակադրության մեջ այդ տարիքն ընդգրկում է 15—49 տարեկան կանանց) ընդհանուր թվականում մեջ չափազանց մեծ տոկոս էին կազմում 20—24 տարեկան կանայք, և, ընդհանրապես, փոքր էր մնացած տարիքային խմբերում ընդգրկվածների տեսակարար միջոցը։ Մինչդեռ 20—24 տարեկանների խմբերում ընդգրկված յուրաքանչյուր 1000 կնոջ քաժին ընկնող ծնունդը մոտ 2 անգամ գերազանցում էր 25—29, ավելի քան շուրջ անգամ՝ մինչև 20 և 30—34, 12 անգամ՝ 35—39 և 80—100 անգամ՝ մնացած տարիքային խմբերում ընդգրկված կանանց ծնելիության ցուցանիշները⁷։ Ի դեպ, 1986 թ. ծնվածների ընդհանուր թվականում 20—24 տարեկան կանանց բաժին էր ընկնում երեխաների 46,3, 25—29 տարեկաններին՝ ավելի քան 30 %-ը⁸։ Ուստի 1991—1995 թթ. ծնված երեխաների թվաքանակի նվազումը բացատրվում է նաև 20—25 տարեկան կանանց քիչ թվաքանակով, որ սկսվեց 1987 թ.։ Այս գործընթացը կշարունակվի մինչև 1990-ականի կեսերը, այսինքն, պտղաբերության տարիքի կանանց թվականի փոփոխությունների հաշվին ծնվող երեխաների բացարձակ թիվը կնվազի։ 1990-ականի կեսերից երևում էր հակառակ ընթացքը կատարա։ Բնակչության վերադարձվողների վրա երկրորդ համաշխարհայինի ազդեցությունը ալիքաձև կարտահայտվի դեռևս XXI դ. առաջին քառորդում և ապա աստիճանա-

3 Նույն տեղում։

4 Итоги Всесоюзной переписи населения 1970 года, т. 2, М., 1972, с. 19, 23, 27, 31, 35, 39, 43, 51, 55, 59, 63, 67, 70, 75.

5 Население СССР 1987, с. 196.

6 Նույն տեղում, էջ 214։

7 Նույն տեղում։

8 Նույն տեղում, էջ 296։

նաբար կմարի: Նաև այդ պատճառով հանրապետությունում ծնվող երեխաների բացարձակ թիվը կապակասի:

Ներկա պայմաններում Հայաստանում բնակչության դարգացման օրինաչափությունները ձևավորող գործոնների դերի, դրանց բնույթի փոփոխություն, մի շարք գործոնների ձևավորման ընթացքի վրա մեծ է հանրապետությունում առեղծված իրավիճակի ազդեցությունը, ամասնավորապես մեղրբջանի կողմից չհայտարարված պատերազմը, անվերջանալի շրջափակումները և այլն: Ինչպես նկատեցինք, պատերազմը գենոֆոնդի վրա ազդում է ոչ միայն տվյալ պահին, այլև՝ ապագայի առումով: Մատաղ կյանքի թելը չկտրվելու պայմաններում նրանք դեռ պիտի ծլարձակեին, նոր սերունդներ արարեին, ապահովեին սերնդափոխության անվերջանալի շղթայի բնականոն ընթացքը: 1991—1992 թթ. տրանզումարվեց յաղաղ ու առեղծված բնակչության ուղղակի կորուստը, փախուստական դառնալը, որը շատերին դրդում էր թողնել հայրենի օջախը և բնակություն հաստատել օտար ափերում: Զե՞ որ դա նույնպես հանգեցնում է ծննդի նվազմանը:

Հայաստանի բնակչության վերարտադրության վրա իր ազդեցությունը թողեց նաև երկրաշարժը՝ Նախ՝ բացասական առումով: Այն ծննդաբերության վրա ունեցավ երկակի՝ ուղղակի և անուղղակի ազդեցություն: Ուղղակի, երբ տարերային աղետի պատճառով մարդկային կորուստների (պաշտոնական տվյալներով՝ 25 հազար մարդ) հետ մեկտեղ բացարձակ ծնունդը նվազեց աղետի հետո մեծ ստեղծված սոցիալ-տնտեսական անտանելի պայմանների և բնակչության հոգեբանական ծանր իրավիճակի հետևանքով: Անուղղակի, երբ երկրաշարժը՝ մի ակնթարթում իր հետ սրբեց ու տարավ, խեղեց և շարժեց հանեց մարդկանց՝ բոլոր սերունդներից: Սերունդներ, որոնց մի մասը սվարտել էր իր նմանին վերարտադրելու սրտաշարժությունը, սերունդներ, որոնք նոր պիտի լնտանիք կազմեին և շրջանցիկ վերարտադրողներ էին, սերունդներ, որոնք դեռ նոր պիտի ծնվեին: Դրանով իսկ տարիքային բոլոր խմբերում միանգամից խաթարվեցին սերունդների հաջորդափոխությունն ապահովող շղթայի բաղադրիչ օղակներ: Խոսքը պոտենցիալ ծնվողների, դեռևս չծնվածների մասին է: Ներկայումս խնդիրը այդ շղթան ամբողջականացնելն է, որը յամանակ է պահանջում:

Սակայն երկրաշարժից անմիջապես հետո՝ 1989 թ., Հայաստանում ծնված երեխաների բացարձակ թիվն ավելացավ՝ ծնվեց 75250 երեխա: Այսինքն, երկրաշարժի հաջորդ տարում (1989 թ.)՝ ծնվեցին 543, իսկ երկրորդ տարում՝ 1990 թ. 4632-ով ավելի շատ երեխաներ, քան ծնվել էին 1988 թ.:

1988 թ. դեկտեմբերյան մեծ աղետը միաժամանակ ազդակ դարձավ իր փակ հարուցած մարդկային կորուստները փոխհատուցելու համար: Զարմանալի է, քանից խրոդություն, մի այնպիսի իրողություն, որ հաստատվում է առաջառ ընդհանրապես հիմնավորված փաստերով: Ուստի, երկրաշարժը բնակչության վերարտադրության նոր օրինաչափությունների դրսևորման ակիզը դրեց, ազդը ավելանելու պոտենցիալ հնարավորությունները կյանքի կոչելու ճշգրիտ նախադրյալներ ծնեց, որոնք արագացրին ավելի վաղ տարիքում ընտանիք կազմելու գործընթացը, գոյություն ունեցող ընտանիքներում երեխաների լիարժեք ավելացնելու, այդիացած ընտանիքները նոր հիմունքներով կազմավորելու հույս կարևոր խնդիրները:

Բացառիկ ծայրահեղ պայմաններում բնակչության ժողովրդագրական նոր վարքը, առաջին հերթին, դրսևորվեց ամուսնության գործակիցի բարձրացմամբ: Մինչև երկրաշարժը ամուսնության գործակիցը (1000 բնակչի հաշվով ամուսնացածներ) ցուցաբերում էր նվազման միտում: 1985 թ. 10,3 պրոմիլից 1988 թ. այն իջել էր 7,8-ի, իսկ 1990 թ.՝ 8,5 պրոմիլ էր¹⁰: Ամուսնության գործակիցը նախ բարձրացավ 16—19 տարեկան աղջիկներին

⁹ Այդ մասին մանրամասն տե՛ս էկոնոմիկա, 1993, № 3—4, էջ 6—8:

¹⁰ Демографический ежегодник, 1991, с. 119.

տարիքային խմբերում: Վաղ ամուսնությունը հանգեցրեց առաջին երեխայի ավելի վաղ ծննդին: Ավելացավ ամուսնությունը 20—24 տարեկան աղջիկների և տղաների խմբերում, որը պայմանավորված էր ոչ միայն առաջին, այլև երկրորդ ամուսնությամբ: Նրիտասարդ շատ տղամարդիկ և կանայք կորցրել էին իրենց զուգերին և աղետից ուռշ ժամանակ անց կազմեցին նոր ընտանիքներ:

2) Բազում ընտանիքներ կանգնել էին ընտանիքի լրիվ կամ մասնակի կորստի փաստի առջև, կամ երեխաները խեղվել ու դարձել էին հաշմանդամներ: Նրանց ծնողները պիտի հոգային ընտանիքը մոր անդամներով համալրելու և կորուստը փոխհատուցելու մասին:

Հետաքրքրական այն է, որ ծննդաբերության և բնակչության բնական ամենաբարձր աճը 1990 թ. գրանցվել է երկրաշարժի էպիկենտրոնում՝ Սպիտակ քաղաքում և Սպիտակի շրջանում:

3) Աղետը ենթագիտակցորեն շարժառիթ դարձավ հանրապետության փոքր ընտանիքներում երեխաների թիվն ավելացնելու համար յլանանց նոր վարքագիծ մշակելու հարցում: Դա դրեց նաև այն կանանց, ովքեր նույնիսկ ավարտված էին համարում իրենց ընտանիքի վերարտադրությունը: Այս բոլորը հանգեցրին հանրապետությունում ծննդաբերության մակարդակի բարձրացմանը՝ կանանց բոլոր տարիքային խմբերում:

Ծննդաբերության ընդհանուր մակարդակի նվազման վրա (հատկապես գյուղական բնակավայրերում) մեծապես ազդել է նաև Հայաստանից ադրբեջանցիների արտագաղթը: Թեև այդ լնթացքում Ադրբեջանից Հայաստան բռնագաղթեց շուրջ 2,2 անգամ ավելի շատ հայ բնակչություն, քան Հայաստանից արտագաղթած ադրբեջանցիների թիվն էր, բայց դա բնակչության, մասնավորապես գյուղական շրջանների, բնական աճի վրա որևէ դրական ազդեցություն չգործեց: Ավելին, Հայաստանի գյուղական բնակավայրերից 1988 թ. արտագաղթած ադրբեջանցիների փոխարեն ահամասնամեծ շրջաններում բնակություն հաստատեցին ավելի քիչ բռնագաղթված հայեր (Զանգեզուր, Սևանի ավազանի հյուսիսարևելյան և հանրապետության հյուսիսարևմտյան շրջաններ), բայց հայերը բռնագաղթում էին շատ ավելի ցածր պտղաբերությամբ: Դա իր հերթին ազդեց ոչ միայն գյուղական վայրերի բնակչության ծննդաբերության ցուցանիշի, այլև, ինչ-որ չափով, նաև հանրապետության բնակչության ընդհանուր աճի և ընտանիքի մեծության վրա:

Հարկ է նշել, որ վերահիշյալ կոնստիդենտները որոշակիորեն տարբերվում էին իրենց սոցիալ-ժողովրդագրական նկարագրով: Սրինակ, Ադրբեջանից բռնագաղթած հայերը քաղաքային բնակավայրերում ապրած, կրթական բարձր մակարդակ ունեցող մարդիկ էին, որոնք ավարտել էին իրենց մասնակրթությունը բնական վերարտադրության ընթացքին, մինչդեռ ադրբեջանցիների գերակշռող մասը (90 %-ը) գյուղական բնակավայրերի՝ ցածր կրթական մակարդակով, ավելի երիտասարդ տարիքում գտնվող բնակիչներ էին, որոնք տեղացի հայերի համեմատությամբ բնութագրվում էին պտղաբերության շատ ավելի բարձր ցուցանիշով:

Դեռևս 1960-ական թվականների կեսերից սկսած ծննդաբերության նվազման միտումը պայմանավորված էր նաև սոցիալ-տնտեսական գործոններով: Այդ գործոնների ազդեցության ներքո Հայաստանում գրեթե բոլոր տարիքային խմբերում իջել են կանանց ծննդաբերության գործակիցները: Բնակչության տարիքային կազմի փոփոխությունները, որոնք զուտ ժողովրդագրական բնույթի գործոնների հետևանք են, խնչպես նկատեցինք, պտղաբերության տարիքի կանանց համեմատաբար բարենպաստ կազմի դեպքում կարող են հանգեցնել ծննդաբերության ընդհանուր գործակիցի բարձրացմանը, մինչդեռ պտղաբերության հատուկ գործակիցները (կանանց տարբեր տարիքային խմբերի մեջ ընդգրկված 1000 կնոջ հաշվով ծնվածները), որ դրսևորել են և այսուհետև ևս կդրսևորեն իջնելու միտում, պայմանավորված են սոցիալ-տնտեսական գործոններով: Եթե տասնամյակներ առաջ պտղա-

բերովթյան ակտիվ տարիքն ընդգրկում էր 20—39 տարեկան կանանց, ապա այդ ակտիվ տարիքի սահմաններն աստիճանաբար նեղանալով, հիմնականում ընդգրկում են 20—24, մասամբ 25—29 տարեկաններին: Եվ իրոք, մինչև նոր սոցիալ-տնտեսական պայմանների և բազմասեփականության հանդես գալը հանրապետությունում լինակչության տարիքային կազմի փոփոխության հետ զուգակցվող խիստ քաղաքակենտրոնացումը (ուրբանիզացիա), վարձու աշխատանքի մեջ ընդգրկվելու համար երիտասարդության դիտելիքների նկատմամբ ներկայացվող պահանջների աճը, կանանց զբաղվածության, բնակչության կոսմոպոլիթական մակարդակի բարձրացումը, երեխաների խնամքի, դաստիարակության, ուսուցման նկատմամբ պահանջների աճը, ընտանիքի բյուջեի կազմավորման գործում կնոջ մասնակցությունը մինչև 1990-ականի սկզբները նպաստել են ընտանիքի փոքրացմանը: Այդ հարցում, անկասկած, փոքր տեղ չեն խաղացել նաև առողջապահության զարգացումը, մահացություն, մասնավորապես մանկամահացության կրճատումը, ընտանիքի անդամների թվի ներընտանեկան կարգավորման հնարավորությունները և այլ գործոններ: Վիճակագրական տվյալները ցույց են տալիս, որ բավական երկարատև ժամանակահատվածում՝ 1958—1990 թթ., ծնունդը փոքր երեխաներով ավելացել է միայն մինչև 24 տարեկան կանանց տարիքային խմբերի մեջ: Այդ են վկայումս հետևյալ տվյալները:

Աղյուսակ 2

Հայաստանում 1000 կնոջ հաջվով ծնված երեխաների թիվը
յստ կանանց տարիքային խմբերի¹¹

Տարիքային խմբերը	Տ օ ր Ե Թ Վ Ե ր ք	
	1958—1959	1989—1990
Մինչև 20 տարեկաններ	37,6	79,9
20—24 .	260,6	240,7
25—29 .	264,1	137,3
30—34 .	204,4	74,7
35—39 .	154,9	26,5
40—44 .	68	5,9
45—49 .	16,4	0,4
15—49 .	159,2	95

Սակայն, նոր պայմաններում փոխվել են լինակչության զարգացման օրինաչափությունները ձևավորող գործոնների դերը և քանակը, հանդես են եկել մի շարք նոր երևույթներ: 1991—1994 թթ. բնակչության զարգացման օրինաչափությունների ձևավորման վրա մեծ հետք թողնեցին նոր սոցիալ-տնտեսական պայմանները, հատկապես անցումը սեփականության նոր ձևերի, տնտեսավարման նոր մեթոդների և ընդհանրապես «չունկայական թերապիային»: Այդ ընթացքում թե՛ քաղաքային, թե՛ գյուղական լինակչության բնական աճի վրա ներազդել են իրար հետ միահյուսված բազմաբնույթ երեվույթները, որոնք, հաճախ համանման ազդեցություն ունենալով հանդերձ, տարբերվել են ներգործության աստիճանով, արտահայտվել դրանցից ամեն մեկին բնորոշ առանձնահատկություններով: Սոցիալ-տնտեսական կյանքում տեղի ունեցող վոլոնտյուրությունները կապված են նոր տնտեսական պայմանների, բազմասեփականության, տնտեսության վերարտադրողական կառուց-

¹¹ Население СССР 1987, с. 214. Демографический ежегодник, 1991, с. 224.

վածքի ձևախախտումների, տնտեսական նոր մեթոդների արմատավորման, ընդհանրապես, շուկայական հարաբերությունների ներկա ընթացքի հետ, որոնք իրենց հակասական ազդեցությունն են դրոշմել Հայաստանի բնակչության վերարտադրության ողջ ընթացքի, օրինաչափությունների ձևավորման վրա: Ընտանիքի մեծությունը ի վնասող որոշ գործոններ ակտիվության չափեր են դրսևորում (հատկապես գյուղական ֆեոդալային ժամանակաշրջանում) և, ընդհակառակը, առանձին գործոններ (հատկապես քաղաքներում) ընտանիքի մեծությունը վրա խիստ քաջասարքար են անդրադառնում:

Մինչև 1990-ական թվականների սկզբները հայկական ընտանիքները բավական մեծ էին, շատ էր մեկ կնոջ ունեցած երեխաների թիվը: Իսկ այսօր ընտանիքը փոքրանում է, պակասում է մեկ կնոջ ծնած երեխաների թիվը: Բայց գյուղում ծնվող երեխաների հաշվին ընտանիքի փոքրանալը, առանձին դեպքերում, ուղեկցվում է ծնվողների թիվն աճելու և հետագայում հաղորդելով միտումի բնույթ: Դա բացատրվում է 1991—1992 թթ. գյուղում իրականացվող սեփականաշնորհումներով և հողադորժոժությամբ ու անասնապահությամբ զբաղվելու համար տեխնիկական զինվածության ցածր մակարդակով, արտադրված մթերքները սպառման վայրեր առաքելու անպարեզում վառելիքաէներգետիկ ճգնաժամի հետևանքով ստեղծված բարդություններով և այլ գործոններով: Դրանք բնակչության աճին նպաստել են և առժամանակ կնպաստեն:

- խթանելով վաղ ամուսնությունը և ընտանիքի հետագա մեծացումը,
- փարձրացնելով ամուսնություն գործակիցը,
- մեղմելով արտագաղթը,
- խրախուսելով ներգաղթը:

Անդրադառնանք 1991—1994 թթ. գյուղում բնակչության վերարտադրության ընթացքի վրա այդ երեկոյն ունեցած ազդեցության դերի գնահատմանը: Հողի սեփականաշնորհումը տեղի ունեցավ գյուղատնտեսական արտադրության մեքենայացման ոչ փարձր մակարդակի պայմաններում: Ավելին, հողի հաբշտապ, ընախապատրաստված և անժամանակ սեփականաշնորհումն ուղեկցվեց լուրջ մեքենայական պարկի փոշիացմամբ: Վերջինս սխիմովիկ գներով նվիրվեց առանձին մարդկանց: Մեքենագույր հողասեփականատերեր կանգնեց հողը մշակելու դժվար լուծելի խնդրի առջև: Գյուղացին թանկ գներով իր ամբողջ հողատարածքը մշակել չի կարող: Դրան նպաստեց գյուղատնտեսական տեխնիկան ոչ միայն քչերի ձեռքում կենտրոնացնելու կամայական քաղաքականությունը, այլև մեքենայական պարկի ֆիզիկական վիճակը, դրա մաշվածության արագ ընթացքը, պարկը համալրելու անհնարինությունը, պահեստամասերի և վառելիքի անընդհատ սուր բնույթ կրող պակասը, արտադրված գյուղատնտեսական մթերքները խրացման վայրեր առաքելու խորացող ֆարդությունները և այլն և այլն: Դրա հետ մեկտեղ, շնչին գներով կոլեկտիվի սեփականություն հանդիսացող գյուղմեքենաների տեր դարձած մարդիկ գյուղատնտեսական աշխատանքներ վատարելու համար մեծ գումարներ են պահանջում: Հարկերն ու ռենտան, իրացումը կազմակերպելու հետ կապված ծախսերն ու դժվարությունները ևս գյուղացուց պահանջում են քրտնաթոր աշխատանք, մեծ միջոցներ և ժամանակ:

Էքստենսիվ հիմունքներով գյուղատնտեսությունը վարելու պայմաններում, երբ իշխում է ձեռքի աշխատանքը, ընտանիքին պատկանող հողատարածքն ամբողջությամբ շրջանառության մեջ ընդգրկելը և արտադրված արդյունքներն իրացնելն անհնար է դառնում: Խստագույնս իջնում է տնտեսության ապրանքային բնույթը, և արտադրված արդյունքները շատ դեպքերում ֆաշարարում են ընտանիքի պահանջները: Ուստի գյուղում ընտանիքի մեծությունը պայմանավորող գործոններից որոշիչը դառնում է հողի մասնավորեցումը: Նման պարագաներում գյուղում շատ ընտանիքներ մեծանալու հայտնի միտում են դրսևորում, բարձրանում է ընտանիքը ապագայում լրացուցիչ աշխատող ձեռքերով համալրելու ձգտումը: Դա մարդկանց հարկադրում է ընտանիքի մեծությունը գնահատել նոր չափանիշներով, այսինքն,

խրախուսել վաղ ամուսնոթյունը: Բայց դա կարող է կարճատև լինել՝ կապված ինտենսիվ հիմունքներով զարգացող ֆերմերային տնտեսությունների առաջացման և դյուրում բնակչության բնեղացման հետագա խորացման հետ:

Երկրորդ, պայմաններ ստեղծել ընտանիքը նոր անդամներով համալրելու համար: Երիտասարդ ընտանիքներում այսօր ամեն մի նոր անդամի երևան գալը վաղվա աշխատող ձեռքերի համալրման նախապայմանն է:

Երրորդ, նախադրյալ ստեղծել ընտանիքին օրենքով հատկացվելիք հողակտրոֆ չափն հետագայում ավելացնելու համար: Հոգ չէ, որ այդ հողակտրոֆը չի մշակվի և կամա շուրջացված:

Չորրորդ, պայմաններ ստեղծել հավելյալ արդյունքի արտադրության չափերն ավելացնելու և գյուղատնտեսական միջերեքների ապրանքայնություններ բարձրացնելու համար:

Գյուղում ստեղծված ծանր աշխատանքային, սոցիալական պայմանները, մարդկանց հոգևոր պահանջները փավարարելու դժվարությունները, իրենց հերթին, ավելի ուժգնորեն կենտրոնացնում են ծանրագրեթյուն հետագա աճի ընթացքի վրա:

Քաղաքներում, ի հաշիվ ծնվող երեխաների նվազման, ընտանիքների փոքրանալը շարունակվող ընթացք է: Դա կապված է քաղաքներում ստեղծված ավելի քարոզ սոցիալ-տնտեսական իրավիճակի հետ: Քաղաքներում ամուսնությունն ընդհանուր խախտվել է առաջարկի և պահանջարկի հարաբերակցությունը: Փեսացուների մի մասը առտագաղթել է, մի մասը չափազանց զգուշությամբ և մոտենում ընտանիք կազմելու և երեխաներ ունենալու խնդրին՝ հենց նյութական առումով: Դեր է խաղում նաև քաղաքակրթությունը: Այդ պատճառով էլ հետաձգվում է ամուսնության միջին տարիքը: Ի դեպ, նույնիսկ մինչև նոր երեույթները, Հայաստանում առաջին անգամ ամուսնացողների միջին տարիքը բավականին բարձր էր: 1988—1989 թթ. առաջին անգամ ամուսնացող տղաների միջին տարիքը 26, իսկ աղջիկներինը՝ 23 էր¹²: Ուստի ծագում է ամուսնության տարիք թևակոխող երիտասարդության նկատմամբ ժողովրդագրական քաղաքականության հիմունքների դիտարկման մշակման և կիրառման վստիքը:

Հանրապետությունում բնակչության բնական աճի տեմպերի նվազման, նրա ելնեջներով վրա ազդող մյուս գործոնը կապված է ինչպես մահացողների բացարձակ թիվն ավելանալու, այնպես էլ մահացությունը գործակիցները նկատելիորեն բարձրանալու հետ: Հարկավոր է այն էլ նկատել, որ մինչև 1970 թ. մահացությունն անընդհատ կրճատվում էր, դրանով իսկ դառնալով բնակչության բնական աճի ցուցանիշի բարձրացման կարևոր սլաքման: Մական 1970-ականի կեսերից մահացության ընդհանուր գործակիցը թեև դանդաղ, բայց բարձրանալու միտում է դրսևորում: Մահացության ընդհանուր գործակիցը 1970 թ. 5,1 պրոմիլից 1990 թ. բարձրացավ և կազմեց 6,0, իսկ 1993 թ.՝ 7,5 պրոմիլ¹³: Այդուհանդերձ, 1990 թ. սկսած մինչև օրս Հայաստանը բնութագրվում էր աշխարհում ամենացածր մահացությամբ: Նման երևույթը հիմնականում պայմանավորված էր հանրապետության բնակչության տարիքային կառուցվածքով և բուժսպասարկման համեմատաբար լավ մակարդակով: Բանն այն է, որ մինչև 1980-ականի վերջերը հանրապետության բնակչության թվականում «թեր» բնակչությունը զգալիորեն ցածր էր Արևմտյան Եվրոպայի կապիտալիստական երկրների և ԽՍՀՄ-ի եվրոպական մասի հանրապետությունների համեմատությամբ: Այդ պատճառով էլ, այդ երկրներում մահացության ընդհանուր գործակիցը (1000 բնակչի հաշվով) կազմում է 9—13 մարդ, այն դեպքում, երբ այդ երկրները բնութա-

¹² Демографический ежегодник, 1991, с. 210.

¹³ Նույն տեղում, էջ 62, Հայաստանի վիճակագրական տարեգիրք, 1993—1994, էջ 14:

գրվում են ցածր մանկամահացություն¹⁴։ Մինչդեռ զարգացող երկրներում բարձր մահացությունն առաջին հերթին պայմանավորված է մանկամահացությունից լարձր գործակցով, քանի որ նրանցում «ծեր» բնակչությունը շատ ավելի քիչ տոկոս է կազմում, քան Հայաստանում։ Բայց, ի տարբերություն վերջիններիս, Հայաստանը լենովթագրվում է մի քանի անգամ ավելի ցածր մանկամահացությամբ, ինչն զարգացած կապիտալիստական երկրների համապատասխան ցուցանիշը գերազանցում է մի քանի անգամ։ 1980—1990 թթ. Հայաստանում մահացությունն ընդհանուր գործակիցը բարձրանալու պայմաններում յուրաքանչյուր 1000 ծնված երեխայի հաշվով մինչև մեկ տարեկան դառնալը 1980 թ. մահացել է 26,2, 1985 թ.՝ 24,8, իսկ 1990 թ.՝ 18,6 երեխա։ Համեմատության համար նկատենք, որ դա միջինասիական հանրապետությունների, Ղազախստանի և Ադրբեյջանի համապատասխան ցուցանիշից չափազանց ցածր է։ Բայց ԽՍՀՄ-ում հանրապետությունների համեմատ (բացառությամբ Մոլդովայի) ադրբեյջանցի բավականին քարձր է։ Մինչև մեկ տարեկան երեխաների մահացած մահացությունը 1986 թ. եղել է ձևականաբար։ Այստեղ ծնված յուրաքանչյուր 1000 երեխայից մինչև մեկ տարեկան դառնալը մահացել է 5 երեխա, Շվեդիայում՝ 6, Շվեյցարիայում՝ 7, Նիդեռլանդներում, Ֆրանսիայում, Գերմանիայում և ԳՅՀ-ում՝ 9 երեխա¹⁵։

Հայաստանում բնակչության մահացության առաքարեզում դործել է այն օրինաչափությունը, որ տարիքային խմբերի ծախսերից մեկում մահացության գործակցի նվազումը կանխորոշել է նրա բարձրանալը մյուս ծախսերում։

Ցածր մահացության շնորհիվ ծնվողների հաշվով ապաստանի կյանքի տևողությամբ Հայաստանը ԽՍՀՄ-ում 1986—1987 թթ. լենովթագրվում էր ամենաբարձր ցուցանիշներով։ ԽՍՀՄ-ում միջին հաշվով այն կազմում էր 69,8 (տղամարդկանցը՝ 65, կանանցը՝ 73,8) տարի¹⁶։ ՀԽՍՀ-ում 73,9 տարի էր (տղամարդկանցը՝ 71, կանանցը՝ 76,2)¹⁷։

Վերջին տարիների ընթացքում հանրապետությունում բնակչության մահացության բարձրանալու միտումը պայմանավորված է հիմնականում երեք խումբ գործոններով՝ 1) սոցիալ-տնտեսական, 2) բաղադրական, 3) ժողովրդագրական (այդ թվում միգրացիոն)։ Առաջին և երկրորդ խումբը գործոններն իրենց դրսևորումը գտնում են կյանքի պայմանների վատացման, իսկ երրորդը՝ բնակչության տարիքային կազմի փոփոխությունների, ՀՀ ժողովրդագրական զարգացման արդի փուլում հասուն և ծեր տարիքի բնակչության բաժնի ավելացման մեջ։ Այսպես, ինչ 1979 թ. հետաշխատանքային տարիքի անձանց (60 և ավելի տարեկան տղամարդիկ և 55 և ավելի տարեկան կանայք) բաժին էր ընկնում հանրապետության ողջ բնակչության 9,3 տոկոսը, ապա 1992 թ.՝ արդեն 13 տոկոսը։ Այդ բուրքով հանդերձ, մանուկների մահացությունը բացարձակ թվի կրճատումը, ցավոք, կենսապայմանների և ծառայությունների բարելավման արդյունք է։ Այն, նախ, բաղաարվում է բացարձակ ծննդի կտրուկ նվազումով։ Երկրորդ, դրանց մի մասը մահանում է հանրապետության սահմաններից դուրս և տեղում վիճակագրական հաշվառման չի ենթարկվում։ Այսինքն, այդ թվերը մանկամահացության իրական պատկերը չեն արտահայտում։

Ուսումնասիրությունները բերում են այն համոզման, որ Հայաստանում բնական աճի գործոնների հետ միասին նրա վերարտադրողական վարքա-

¹⁴ Народное хозяйство СССР в 1988 г., статистический ежегодник, М., 1989, с. 659.

¹⁵ Նույն տեղում։

¹⁶ Население СССР 1987, с. 351.

¹⁷ Հայաստանը լվկրում 1990 թվականին, վիճակագրական համառոտ ժողովածու, Երևան, 1990, էջ 22։

գծի վրա դրական կամ բացասական առումով էական ազդեցություն են դրոշմել միջպետական նվիրատուները գործընթացները՝ ներազդելով ծննդի և մահվան ցուցանիշների ձևավորման վրա: Ցուրաբանչուր անգամ այն պայմանավորված է եղել տարածաշրջանում բնակչության նկատմամբ միջրանտների վերարտադրողական վարքագծի դրսևորումներով, իդանդվածայնությամբ, սեռատարիքային կազմով, հոսքերի ուղղվածությամբ, սոցիալ-տնտեսական պայմաններով և այլ պարագաներով:

Մինչև 1988 թ. Հայաստանում բնակչության միջպետական նվիրատուները գործընթացները հիմնականում դրսևորվել են սոցիալ-տնտեսական, մասամբ նաև ազգային, կթնիկական պատկանելության շարժառիթներով: 1988 թ. սկսած, որոշիչ են դառնում ազգամիջյան հարաբերությունները, որոնք իրենց սուր արտահայտվածությունը ստացան խորհրդային համակարգի փլուզման տարիներին և փլուզումից հետո: Համակարգի անկման տարիներին Հայաստանի բնակչության թիվը խիստ ավելացավ Ադրբեջանից բռնադադարած հայ բնակչության հաշվին: Համակարգի փլուզումից մեկ-երկու տարի անց Հայաստանում ստեղծված ռազմաքաղաքական ծանր իրավիճակը հանգեցրեց հանրապետությունից դեպի կապիտալիստական զարգացած և ԱՊՀ երկրներ փախստականների, քիչ անց՝ մշտական բնակչության հոծ զանգվածների հեռանալուն:

Թերաանումից, լույսի բացակայությունից, անգործությունից, ցրտից, ցածր վատակից, նվազագույն ապրուստն ապահովելու հետ կապված անհավասարեցում և անվերջանալի ղժվարություններից փրկվելու ելքը շատերը տեսնում են արտագաղթի, օտար ափերում գործ որոնելու, ջանադիր աշխատանքով հաց վաստակելու համար զբաղմունքի տեղ դառնալու մեջ: Տեղաշարժվում են բոլոր նրանք, ովքեր այլ երկրներում հաց վաստակելու և բնտանիքը պատասպարելու թեկնոց և շատ չնչին հույս են տածում կամ նույնիսկ այդ հույսն էլ ջրոնեն: Նախկինում ամուսնը մեկնում էին ամուսնացածներ, այժմ մեկնում են ձմեռանոցներ: Տասնյակ հազարավոր ընտանիքներ ձմեռան ընթացքում խարիտա են գցում Մոսկվայում, Սանկտ-Պետերբուրգում, Հյուսիսային Կովկասում, Կենտրոնական Ռուսաստանում, Ուրալում, Բելոռուսում և ուր պատահի: Հազարավորներ վերջնականապես հաստատվել են ԱՄՆ-ում, Գերմանիայում, Ֆրանսիայում և այլ երկրներում: Գրանց մեջ 1990—1991 թթ. մեծ տոկոս էին կազմում Ադրբեջանից բռնազաղթած հայ փախստականները, որոնց մեծ մասը դեռ Հայաստանում գրանցված չէր, իսկ 1992—1994 թթ. արտագաղթում էր մշտական բնակչությունը:

Երևույթը որոշակի վտանգ է սպառնում հանրապետության բնակչության գենոֆոնդին ինչպես ուղղակի, այնպես էլ անուղղակի առումով: Ուղռակի, երբ արտագաղթի հետևանքով պակասում է բնակչությունը: Անուղռակի, երբ դրան է լոռվարվում բնական աճի նվազումը, չէ՞ որ երեխաները ծնվում են ալլ երկրներում: Ըստ որում, միգրացիայի ամեն մի տեսակ հող է նախապատրաստում անվերադարձ միգրացիայի համար: Կրա հետ մեկտեղ արտագաղթածները ազգային եկամուտն արարում են ոչ թե մայր հայրենիքում, այլ նրա սահմաններից դուրս, իրենց ստեղծածով սատար չկանդնելով հարազատ ժողովրդի գոյապահպանության և սոցիալ-տնտեսական զարգացման խնդիրներին, էկոնոմիկայի հետագա վերելքին: Հասարակությունը ամասամբ արտադրողից վերածվում է սպառողի:

Եվ բանն էլ այն է, որ արտագաղթողների մեծ մասը հայրենիքում չի բնակվում, բայց եր զրանցումը պահպանում է մշտական բնակավայրում: Գաղտնիք չէ, որ հանրապետության բնակչության մի ղգալի մասի գոյատևությունը աղբյուրը օտար ափերում դեգերողների՝ ղժվարությամբ ձեռք բերած միջոցներն են:

Մինչդեռ հանրապետության վիճակագրական մարմինները ստույգ տվյալներ չունեն մերձավոր և հեռավոր երկրներ արտագաղթած բնակչության բացարձակ թվի մասին: Արդ թիվը սահմանափակվում է գրանցումից դուրս եկողների և գրանցվողների տվյալներով: Երականում բնակչության

մի վիճակի դանդաղ թեև զրանցված է հանրապետությունում, բայց բնակվում է նրա սահմաններից դուրս՝ հյանքը նշարունակվում է, դրսում ծնվում են երեխաներ, նրանք և Հայաստանում զրանցվածների մի մասը փրենց մահկանացուն կնքում Վն ալետեղ: Այդ պատճառով էլ եթե մինչև 1990-ական թվականները բնակչության բնական աճի ելանքները մեծապես պայմանավորվել են մի շարք ալլ գործոններով, ապա 1991—1994 թթ. նրա աճի լրիթացքի վրա չափազանց ազդեց են դառնում նաև արտագաղթի շմարող ալիքները, քանի որ արտագաղթողների մեծ մասը երիտասարդությունն է՝ բնակչությունը վերարտադրող սերունդը: 1994 թ. ծնվեցին շուրջ 30 հազարով ալների քիչ երեխաներ, քան 1986 Վամ 1990 թվականներին: Դա երեվում է ներքոհիշյալ աղյուսակի տվյալներից:

Աղյուսակ 3
Հայաստանի բնակչության ծնվածների և մահացածների բացառակ քիլը
(հազ. մարդ) 1980—1994 թթ.¹⁸

Թվականներ	Ծնվածներ	Մահացածներ
1980	70,3	17,1
1985	80,3	19,6
1986	81,2	19,7
1987	78,5	20,0
1988	74,7	35,6
1989	75,3	22,0
1990	79,9	2,0
1991	77,8	23,4
1992	70,6	25,8
1993	59,0	27,5
1994	51,2	24,6

1993—1994 թթ. ծնվածների բացառակ տվյալները իրական պատկերը ճիշտ են արտահայտում: Ինչ վերաբերում է բնակչության 1000 շնչի հաշվով ծնվածների և մահացածների վերաբերյալ պաշտոնական վիճակագրության տվյալներին, ապա դրանք հիմնված են սխալ ելակետային սկզբունքների վրա, որի աղբյուրներն ծննդաբերության և մահացության ցուցանիշները մեխանիկորեն նվազում են: Երականում ալլ գործակիցները պետք է հաղվարկել Հայաստանում մշտական գրանցում ունեցող բնակչությունից միգրացիայի մեջ գտնվողներին բացառելու միջոցով, քանի որ դրանց ծնունդն ու մահը երկրի վիճակագրական տվյալներում չեն արտահայտվում: Ուստի, խնդիրը 1991—1994 թթ. հանրապետությունից արտագաղթած բնակչության մոտավոր թվաքանակն ունենալն է: Այդ մասին պատկերացում կազմելու համար պետք է օգտվել անուղղակի տվյալներից: Ցավոք, նման տվյալները բացակայում են: Ումանք ալլ նպատակով առաջարկում են, օրինակ, հիմք ընդունել բնակչությանը բաժանվող մթերքների կտրոնները: Բայց բոլորին էլ պարզ է, որ արտագաղթողների մի մասը նույնպես կտրոններ են ստանում: Դրանք օգտագործում են ընտանիքի ալստեղ գտնվող մյուս անդամները, հարևանները, ալլ հարազատներ, բարեկամներ: Ումանք արտագաղթողների թվի մեծությունը հիմնավորելու համար վկայակոչում են

¹⁸ Население СССР 1987, с. 296; Демографический ежегодник 1991, с. 66; Հայաստանի վիճակագրական տարեգիրք, 1993—1994, էջ 14:

1994—1995 թթ. վառելիքի ստացողների թիվը: Բայց դա նույնպես այն չէ, որ «հալած յուղի» տեղ ընդունվի: Վառելիքի ստացողների մեջ նույնպես կան մարդիկ, որոնք բացակայում են հանրապետությունից, եղան կրկնակի վառելիքի ստացողներ (բռնադատվածները և նրանց ընտանիքների անդամները):

1991—1994 թթ. հանրապետությունից արտագաղթած բնակչության հավանական թիվը ատոմային համար, Կապանաբար, Վարկի է օգտվել մի շարք վարկածներից: Դրա համար կարող է հիմք ծառայել 1990 և 1994 թթ. ծնված երեխաների թվի տարբերությունը, որը, ինչպես հիշատակվեց, կազմում է մոտ 30 հազ. երեխա: Հարց է ծագում, ինչքա՞ն բնակչություն կարող էր ապահովել այդ 30 հազար երեխաների ծնունդը: Մտնրակրկիտ հաշվարկներով հիմնավորվում է վերը թվարկված բոլոր դրդապատճառների գործունեության ազդեցությունը ծննդաբերության և մահացության ցուցանիշների վրա: Նկատի է առնվել այն, որ այդ պարագաները որոշ չափով չեղդացրել են մեկը մյուսին: Ի հետևանս դրա, 1990 թ. համեմատությամբ 1994 թ. պետք է ծնվեն 13—14 հազարով ավելի քիչ երեխաներ: Այսինքն՝ 1994 թ. հանրապետությունում 3753 հազ. բնակչության առկայության պայմաններում պետք է ծնվեն ոչ լի 51,2 հազ., այլ 67—68 հազ. երեխաներ: Տարբերությունը կազմում է 16—17 հազար երեխա, որոնք էլ հենց բաժին են ընկնում միգրացիայի մեջ գանձվող բնակչությանը:

Արդի պայմաններում ինչքա՞ն բնակչություն կարող էր ապահովել այդ 16—17 հազ. երեխաների ծնունդը:

Այդ նպատակով օգտվենք հետևյալ վարկածներից. վարկած առաջին. 16 հազարով ավելի շատ երեխաների ծննդի դեպքում Հայաստանից արտագաղթած բնակչության թիվը մեր հաշվարկներով կկազմի շուրջ 900 հազ. մարդ:

— 17 հազարով ավելի շատ ծնված երեխաների դեպքում արտագաղթած բնակչության թիվը կկազմի շուրջ 945 հազ. մարդ:

Այս չափադանց մոտավոր վարկածի առաջին պայմանի դեպքում Հայաստանի առկա բնակչությունը կկազմի 2863 հազ., երկրորդ պայմանի դեպքում՝ 2808 հազ. մարդ: Երկու պայմանների հաշվարկումից ստացվող միջինը հավասարվում է ավելի բան 2835 հազ. մարդու, որը, հավանաբար, շատ մոտ է իրականությանը:

Տվյալ մեծությունների առկայության պայմաններում ծննդաբերության ընդհանուր գործակիցը $51200 : 2835000 \times 1000 = 18$ (1986 թ. 25-ի և 1990 թ. 24 պրոմիլի դիմաց), մահացության գործակիցը՝ մոտ 8,4 պրոմիլ: Մինչդեռ պաշտոնական վիճակագրությունը 1994 թ. ծննդաբերության ընդհանուր գործակիցը ներկայացնում է 13,7, իսկ մահացությանը՝ 6,6 պրոմիլով:

Վարկած երկրորդ. ընդունենք, որ զանգվածային արտագաղթի բացակայության պայմաններում 1994 թ. Հայաստանի բնակչությունը, ինչպես ներկայացնում է վիճվաբերությունը, կազմում է 3753 հազ. մարդ:

Նախորդ վարկածի պայմանի համաձայն, դարձյալ նկատի առնելով բնակչության ծննդաբերության միտումները, 1994 թ. ծնված երեխաների թիվը կարող է հավասար լինել. ա) $51200 + 16000 = 67200$ -ի, բ) $51200 + 17000 = 68200$ -ի:

Նման պարագաներում՝ ա) 51200-ը՝ կկազմի 67200-ի 76,2 %-ը, իսկ 3753 հազ. բնակչության 76,2 %-ը կկազմի 2859,8 հազ. մարդ: Բ) 51200-ը կկազմի 68200-ի 75,1 %-ը, 3753 հազ. բնակչության 75,1 %-ը հավասար է 2818,5 հազ. մարդու:

Այսպիսով, այս վարկածի տրամաբանությամբ Հայաստանից արտագաղթած բնակչության թիվը մի պայմանի դեպքում կկազմի 893,2 հազ., իսկ մյուս պայմանի դեպքում՝ 934,5 հազ. մարդ: Առաջին պայմանի դեպքում ծննդաբերության ընդհանուր գործակիցը հավասար կլինի 17,9, մահացության գործակիցը՝ 8,3 մարդու: Երկրորդ պայմանի դեպքում այդ ցուցանիշները համապատասխանաբար կկազմեն 18,2 և 8,5 մարդ:

Ինչպես նկատում ենք, այդ վարկածները ենթադրում են միմյանց չափազանց մոտ տվյալներ: Այսինքն՝ Հայաստանից արտագաղթող բնակչությունը կազմում է 1 մլն. մարդուց մի փոքր պակաս: Այդ է վկայում նաև ՀՀ նախագահի 1996 թ. ընտրության մասնակիցների քիչ թիվը:

Ինչ վերաբերում է մահացածների ընդհանուր թվին, ապա հանրապետության սահմաններից դուրս մահացածները, որոնք Հայաստանի նշտական բնակիչներն են, ի վերջո, պետք է գրանցումից դուրս գրվեն: Բացառություն են կազմում այն երեխաները, որոնք ծնվել և մահացել են Հայաստանի սահմաններից դուրս, չեն նրանց ծնողները՝ Հայաստանի քաղաքացիներ են:

Հայաստանում բավական ցածր ցուցանիշով է բնութագրվում նաև մինչև մեկ տարեկան երեխաների մահացությունը: Տվյալ դեպքում որոշակի աղբյուրություն է ունենում այն, որ Հայաստանում ծնված և մինչև մեկ տարեկան դառնալը արտագաղթած երեխաների որոշ մասն իր մահկանացուն կնքում է ծննդավայրից դուրս գտնվող երկրներում:

Արդուհանդերձ, այն, որ ըստ պաշտոնական տվյալների, միայն երեք-չորս տարվա ընթացքում բնակչության թվական աճը նվազել է ավելի քան կրկնակի (1990 թ. բնակչության 10 հազար շնչի հաշվով այն կազմում էր 174, իսկ 1994 թ.՝ ընդամենը 71 մարդ), այդ թվում՝ քաղաքային բնակավայրերում ավելի քան 3 անգամ, համապատասխանաբար՝ 155 և 50 մարդ, վկայում է Հայաստանի բնակչության, այն էլ երիտասարդության մի մեծ մասի արտագաղթի մասին: Դա որոշակի որակ է, անկախ այն բանից, արտագաղթել է 500 հազար, թե՛ մեկ միլիոն մարդ:

Բնակչության թվական աճի վրա որոշակի ազդեցություն են դրոշմել նաև ներպետական միգրացիաները, քանի որ կտրուկ փոխվել են դրանց ուղղությունները, զանգվածայինության չափերը և ընթացքը: Դա, անկասկած, դրական երևույթ է: Ի չիք դարձավ գյուղի հաշվին տասնամյակներ շարունակ քաղաքային բնակավայրերում բնակչության անհարկի ավելացումը: Գործընթացն ուղեկցվեց քաղաքային բնակավայրերից գյուղեր արտագաղթողների թվի ավելացմամբ: Երևույթը, անկասկած, փամանակավոր բնույթ է կրելու, որը կապված է գյուղում սեփականաշնորհման գործընթացի ավարտի և, թերևս, նաև քաղաքներում ներկա սոցիալ-տնտեսական ավելի լարված իրավիճակի հավանական մեղմաման հետ: Արդուհանդերձ, առաջիկայում գյուղական բնակչության միգրացիան դեպի հանրապետության քաղաքները չի ակտիվանա. բացակայում է աշխատանքի ասպարեզը, բնակարանով ապահովվելն անհնար է: 1980-ականի վերջերից և՛ աշխատանքով, և՛ բնակարանով ապահովելու երաշխիքը գրեթե լրիվ չափով մղվեց հետին պլան, իսկ 1990-ականի սկզբներից իսպառ քացառվեց: Հողի սեփականաշնորհումը դարձել է օբեկտիվ լզործոն՝ գյուղական բնակչության միգրացիան դեպի քաղաքներ (այդ թվում՝ գյուղից գյուղ) մեղմացնելու հարցում:

Միաժամանակ, կյանք է մտնում նաև գյուղից միգրացիան Վոլադոնոգոյսկիսի գործոն, ինչպիսին քաղաքաշինությունն է: Քաղաքներում կսրվեն ներկայումս գոյություն ունեցող մի շարք խնդիրներ. դա վերաբերում է քաղաքներում բնակարանային ապահովման թուլությանը, էներգիայի, վառելիքի, ջրի շուրջօրյա պահանջների բավարարմանը, ջեռուցման ու հիգիենիկ համակարգին, գյուղատնտեսական միջոցներով քաղաքային բնակչության կարիքները բավարարելու և այլ խնդիրներին: Մակայն, փամանակի ընթացքում գյուղատնտեսական արտադրության ինտենսիվ լարագացումը և լոկալում աշխատանքային տարիք մուտք դործող բնակչության թվաքանակի աճը կհանգեցնեն գյուղում հարաբերական գերբնակչության գոյացմանը, և վերստին կաշխուժանա լեպի՝ քաղաքներ թնակչության միգրացիան, և գյուղը նորից կդառնա արտադրողի աղբյուր:

Ելնելով ժողովրդագրության ասպարեզում ստեղծված առկա իրավիճակից՝ նպատակահարմար է առաջիկա 15—20 տարիների ընթացքում, օրենսդրական հիմունքներով, կենտրոնացված միջոցների հաշվին ժողովրդագրական քաղաքականությունն փրականացնել հետևյալ սկզբունքներով. 1. Վար-

ձու աշխատանքի բոլոր բնագավառներում տղամարդկանց համեմատությամբ կանանց համար սահմանել Խորական մեկ ժամ տեղադրված: ավելի կարճ աշխատանքային օր: 2. Հանրապետությունում հետծննդյան շրջանում կանանց համար սահմանել երեք ասորի տեղադրված վճարովի արձակուրդ՝ անկախ երեխայի համար վճարվող նպաստի չափերից:

Սահմանված հոտու՝ Աղբիւրներին և Իրանին սահմանակից ու քաղաքային բնակավայրերում բնակվող կանանց համար հետծննդյան շրջանում սահմանել հանրապետականի համեմատ մեկ տարով ավելի երկար սևեղծություններ վճարովի՝ ֆիզիոլոգիական արձակուրդ և 1,5 անգամ ավելի բարձր վճար (անկախ երեխայի համար վճարվող նպաստից, իսկ Աղբիւրներին և Իրանին սահմանակից սահմաններ քաղաքներում և Վրաստանին ու Թուրքիային սահմանակից քաղաքներում (բացառությամբ Արարատյան հարթավայրի) բնակվող կանանց համար մեկ տարով ավելի, բացառաբար բարձրացված լոգոթակցի: 3. Հետծննդյան շրջանում, օրենսդրական հիմունքներով սահմանված ֆիզիոլոգիական արձակուրդի ընթացքում վարձու աշխատանքը շարունակելու ցանկություն ունեցող կանանց յոթ ավելի աշխատավայրում պահպանելու հետ միասին շարունակել վճարել նաև վերը հիշատակվող նպատակ: Յուրաքանչյուր երեխայի ծնունդից հետո վարձու աշխատանքը շարունակելու ցանկություն չունեցող կանանց աշխատանքային ստաժը համարել շարունակվող շոքս, իսկ սահմաններ շրջաններում (բացառությամբ Արարատյան հարթավայրի) հինգ տարի ժամանակով:

4. Մինչև չափահաս դառնալը ծնված ամեն մի երեխայի նպաստի նվազագույն չափը սահմանել սեփական ընտանիքի յուրաքանչյուր անդամի եկամուտը՝ պաշտոնապես ընդունված սպորտստի նվազագույն սահմանի վրա պահելու սկզբունքից: Սահմաններ շրջաններում (բացառությամբ Արարատյան հարթավայրի) առ նպաստի չափերը հանրապետականի միջինի համեմատությամբ ավելացնել 1,5—2 անգամ՝ նայած ծնվածների հաջորդականությամբ: 5. Ընտանիքներում երրորդ և յուրաքանչյուր հաջորդ ծնված երեխայի նպաստը սահմանել 40—50 %-ով աճող գործակիցներով ավելի բարձր չափ, քան սահմանված է նախորդ երկու երեխաների համար*:

Սահմաններ զոտներում ընդունել 2—2,5 անգամ ավելի բարձր չափ՝ ծնվող երեխաների հաջորդականությամբ համապատասխան աճող գործակիցներով: 6. Հանրապետությունում յուրաքանչյուր նորածնի հատկացվող միանվագ նպաստի չափերն ավելացնել և ընտանիքում ծնվող առաջին երեխայի համար սահմանել 5—6, հաջորդ երեխայի համար 1,5-ով ավելի բարձր նվազագույն աշխատավարձի չափ, իսկ երրորդ և յուրաքանչյուր հաջորդ ծնվող երեխայի համար նպաստը բարձրացնել 30—50 %-ով, աճող գործակիցներով:

Սահմաններ զոտներում (բացառությամբ Արարատյան հարթավայրի) հանրապետության միջինի նկատմամբ 1,5—2 անգամ բարձրացնել յուրաքանչյուր նոր ծնված՝ երեխային հատկացվող միանվագ նպաստի չափերը՝ համապատասխանաբար պահպանելով նույն մոտեցումը երրորդ և յուրաքանչյուր հաջորդ երեխայի համար: 7. Մինչև երեխայի չափահաս դառնալը հանրապետական միջին մակարդակի համեմատ երեք անգամ ավելացնել պատերազմի հետևանքով ծնողներից զրկված, միայն մեկ ծնող ունեցող և հաշմանդամ դարձած մարդկանց երեխաների նպաստի չափերը: 8. Աղբիւրներին և Իրանին սահմանակից բնակավայրերում մինչև 16 տարեկան երեք և ավելի երեխաներ ունեցող ընտանիքներին արտոնել 5 տարի, իսկ Թուրքիային (բացառությամբ Արարատյան հարթավայրի) և Վրաստանին սահմանակից բնակավայրերում՝ շոքս տարի ժամանակով զեղչված եկամտահարկ և ունեցվածքի մոծելու իրավունք: 9. Մովի մակերևույթից 1500 մետրից ավելի բարձրություններում բնակվող կանանց յուրաքանչյուր երե-

* Երրորդ և հաջորդ երեխաներն ունեցողները ծննդարեւոյ կանանց ընդհանուր թվի միայն 20—25 %-ն են կազմում:

իսայի համար սահմանված նպաստի չափերն ավելացնել 45—50 %-ով (խոսքը վերաբերում է ինչպես ֆիզիոլոգիական արձակուրդի, այնպես էլ միանվագ նպաստի չափերին)։ Այն տարբերակել ըստ ծնվող երեխաների հաշորդականության, յուրաքանչյուր հաշորդ երեխայի ծննդի համար նպաստ ավելացնել աճող զործակիցներով և բնակավայրի գոտիականությամբ՝ 1501 մետրից սկսած յուրաքանչյուր 200 մ բարձրության համար նպաստի չափերն ավելացնել 15—20 %-ով, 10. Մովի մակերևույթից 1700 մետրից ավելի բարձրություններում բնակվող երեք և ավելի երեխա ունեցող կանանց թոշակի իրավունք արտոնել 45—50 տարեկանում, տարբերակման հիմքում ղեկավար երեխաների թիվը, աղետի և սահմանամերձ գոտիներում բնակությունը՝ 11. Նախկինում վարձու աշխատանքներում ընդգրկված կանանց կենսաթոշակի նվազագույն չափը սահմանել երկու անգամ ավելի բարձր գործակիցներով, քան վարձու աշխատանքներում երեկից ընդգրկվածների։ 12. Վարձու աշխատանքի կարգավիճակին հավասարեցնել երեք և վելի երեխաներ ունեցող մալրերին, երեխաների թվին համապատասխան ավելացնել կենսաթոշակը՝ աճող գործակիցներով։ 13. Հատկապես աղետ և սահմանամերձ գոտիներում նոր կազմավորվող բնտանիքներին պետական հողային ֆոնդից հատկացնել հողաբաժին, ինչպես նաև տնամերձ հողամաս, բնակարանաշինության համար տրամադրել համապատասխան վարկ և շինանյութ ավելի արտոնյալ պայմաններով։ 14. Սահմանամերձ գոտիներում անհատական բնակարանային շինարարություն իրականացնող բնտանիքներին տրամադրել վարկ՝ աղետի գոտու համար սահմանված պայմաններով։ Վարկի մարման անողությունը երկարացնել, իսկ տոկոսադրույքը նվազեցնել յուրաքանչյուր հաշորդ երեխայի ծննդի կապակցությամբ նվազող գործակիցներով։ 15. Լեռնային շրջաններում և սահմանամերձ գոտիներում, ինչպես նաև ալվայրերում փախստականներից գյուղատնտեսական մթերքների արտադրությամբ զբաղվող բնտանիքներին հարկային քաղաքականությամբ արտոնել զեղչված չափերով ռենտավճար և եկամտահարկ վճարելու իրավունք։ Նպատակային վարկ հատկացնելիս՝ նվազեցնել մարման տոկոսադրույքը, երկարացնել ժամկետները՝ նկատի առնելով ամեն անգամ նոր երեխայի ծնունդը։ 16. Հեռակարում հանրապետության բնակչության մահացությունից մահկարող հիմնականում կախված կլինի նրա բնականոն կենսագործունեության համար անհրաժեշտ պայմանների ապահովումից։ Վերջինիս տակ պետք է հասկանալ ոչ միայն արտաքին և ներքին գլոբալ գործոնների բացասական ազդեցության կասեցումը, այլ նաև զուտ սոցիալական բնույթի հետևյալ խնդիրների մասնակի լուծումը։

ա) բնակչության բժշկական սպասարկման, նոր, առաջադիմական, այդ թվում՝ մասնավոր, խառը, պետական ձևերի համալիր արմատավորման խթանումը, բ) բժշկական գիտությանը հատկացվող միջոցների ավելացումը, գ) առողջապահության ցանցի տարածքային կառավարման կատարելագործումը, դ) կադրերի որակավորման բարձրացումը և այլն։

17. Մանկամահացությունը կրճատելու նպատակով խստորեն մտահոգվել հղի, ծննդաբերող կանանց և երեխաներին սպասարկող առողջապահական հաստատությունների ցանցի վերականգնման և կարգավորման հարցերով։ Մինչև 15 տարեկան երեխաներին, կարիքի դեպքում, ապահովել ձրի դեղամիջոցներով։ 18. Սահմանամերձ և աղետի գոտիներում իրականացնել առողջապահության համար նախատեսվող ֆինանսական ռեսուրսներ, առողջապահության օբյեկտների և բժշկական կադրերի ռացիոնալ տեղաբաշխումն ու վերաբաշխումը։ 19. Հետծննդյան շրջանում երեք տարի վճարովի արձակուրդ և մինչև հինգ տարի աշխատանքային ստաժը պահպանելու պայմաններում մանկամահացություններում, ներառյալ մինչև երեք և չորս տարեկան երեխաների ընդգրկվածությունը պակասեցնելու հաշվին, բարելավել սպասարկման նմակարգակը, պետության հաշվին ավելացնել մանկապարտեզներին հատկացվող միջոցները։ Դա թելադրվում է ավելի առողջ և

ամրակալմ երեխաներ մեծացնելու անհրաժեշտությունը: 20. Պետական բյուջեի արվածության պայմաններում մայրության և մանկության պաշտպանությանը սատար կարող են կանգնել արհմիությունները, ինչպես նաև վարձու աշխատանքի բոլոր օղակները: Խնդիրը վերաբերում է արտադրական օղակներում՝ շահութեներից, բյուջետային հիմնարկներում՝ աշխատավարձի ֆոնդից տնտեսած գումարների հաշվին հատուկ ֆոնդերի ստեղծմանը և դրանց նպատակային իրացմանը: 21. Ժողովրդագրական բաղաբանության խրականացմանը կարող են իրենց նպաստը բերել նաև ձեռներեց մարդիկ, բաժնետիրական ընկերությունները, բանկերը, առևտրական օբյեկտները, ստեղծագործական միավորումները, եկեղեցին, հանրապետությունում գործող զանազան ընկերություններն ու կազմակերպությունները: Այդ վիճակում, հանրապետությունում կարելի է ստեղծել հատուկ «մայրության հիմնադրամ», խրախուսել ծնունդը, սատար կանգնել մայրերին:

ЗАКОНОМЕРНОСТИ РАЗВИТИЯ НАСЕЛЕНИЯ РА НА СОВРЕМЕННОМ ЭТАПЕ

Академик НАН РА В. Е. ХОДЖАБЕКЯН

Р е з ю м е

В Армении сложилась чрезвычайно сложная ситуация, связанная с воспроизводством населения, грозящая генофонду нации. В период с 1991—1995 гг. резко ухудшились показатели естественного прироста населения. Эмиграция приняла колоссальные размеры. Подобные нежелательные явления объясняются рядом причин объективного и субъективного характера: демографическими последствиями второй мировой, сложившейся в республике военно-политической ситуацией, эмиграцией азербайджанцев, землетрясением 7 декабря 1988 г.; сложным экономическим и социальным положением, небывалым ростом безработицы, миграцией населения, безудержным ростом цен, практически невозможностью обеспечения прожиточного минимума и многочисленными другими причинами, сопутствующими экономическому хаосу.

С помощью особого методического подхода можно попытаться определить численность эмигрирующего из Армении населения, в результате чего отрицательное сальдо миграции населения из Армении исчисляется 1 млн. чел. Вследствие уточнения показателей естественного прироста населения общие показатели рождаемости и смертности (в расчете на 1000 чел.) в 1994 г. соответственно составят не 13,7 и 6,6 чел., как представляет официальная статистика, а 13,7 и 8,3 чел., в то время как в 1990 г. они составляли 24,0 и 6,6 человек.

Предупреждение подобной демографической ситуации трудно представить без государственной опеки и разработки, претворения в жизнь определенной политики. Такая политика должна способствовать:

1. решению проблем социальной защищенности материнства и детства на уровне государственной политики;

2. постепенному вхождению воспроизводства населения в обычный, естественный ритм;

3. содействию посредством экономических рычагов проблемам упорядочения населения республики, в частности, оттока населения из городов, зоны бедствия, окраинных приграничных поселений и горных районов.